

房山縣志

吳春鴻題



房山縣志卷之五

禮俗志

記曰禮從宜事從俗禮制隨國體而變俗尙因時勢而更時至今日舊禮每不適用新禮多未頒行何以志然國之四維以禮爲首禮義所在風俗懋焉房山向遵禮教俗多醇樸雖末世奢風不無遷易而一邑之精神寓乎禮俗烏得以今昔有殊不爲之考其異同而存其風化耶故志禮俗

祀典 孔子曰殷因於夏禮周因於殷禮所損益可知也不考其所因烏知其所革是故國體雖有變更而其新舊儀文之節因革損益之文不可不悉也舊日地方之列在春秋兩祀者如孔廟崇聖祠名宦鄉賢祠忠義節孝祠關帝廟城隍廟火神廟馬神廟社稷壇風雲雷雨山川壇先農壇邑厲壇文昌魁星土地皆按時致祭雩壇祭於孟夏茲特先就前清舊禮志其儀節器數如左

文廟 正位陳設帛一色白牛一羊一豕一登一鉶二簋簋各二籩豆各十罇一爵三



四配各帛一羊一豕一鉶一簋二籩二簋八豆八罇一爵三

東西十二哲各六案帛一豕一羊一鉶各一簋各一籩各一籩各四豆各四爵各一
東西廡各帛一羊三豕三每案簋一籩一籩四豆四爵各一

春秋仲月上丁日禮生導承祭官盥洗至臺塔下立樂舞生執事官分獻官陪祭官
承祭官皆就位典儀唱迎神舉迎神樂奏咸平之章迎神禮畢典儀導承祭官行三
獻之禮初獻樂奏寧平之章亞獻樂奏安平之章三獻樂奏景平之章三獻禮畢飲
福受胙行謝福胙禮典儀唱徹饌奏咸平之章徹畢樂止典儀唱送神奏咸平之章
禮畢捧祝帛饌送至燎位典儀唱望燎舉望燎樂與送神同以上迎神送神謝福胙
皆行三跪九叩禮

崇聖祠 正位五案各帛一色白牛一羊一豕一鉶一簋二籩二籩八豆八罇一爵三

配位四案帛二每案豕頭一籩一籩一籩四豆四豕肉一爵三

兩廡帛二每案簋一籩一籩四豆四豕肉一爵三

春秋仲月上丁日致祭承祭儀與正殿同無樂

名宦鄉賢二祠 祭品爵三盞一簋一籩二豆二羊一豕一罇一香槃一亦於丁祭日

致祭行一跪三叩禮

關帝廟 祭品帛一色白牛一羊一豕一籩十豆十三獻儀節並同文廟無樂行三跪

九叩禮

春秋仲月上戊日及五月十三日致祭惟五月十三日致祭不用籩豆用果五釘亦不用祝文

關帝後殿 祭品帛各一色白羊各一豕各一籩豆各八

春秋仲月上戊日致祭行二跪六叩禮其餘儀節同前殿

杜稷壇 祭品帛二色黑羊一豕一鉶一籩四豆四簋各二爵三

春秋仲月上戊日致祭行三跪九叩禮

風雲雷雨山川壇

城隍附

春秋仲月上戊日合祭舊制諸神共爲一壇清雍正二年奏淮安設神位風雲雷雨位中 山川位左 城隍位右 祭品風雲雷雨帛四山川帛二城隍帛一俱色白餘品及儀節與社稷同

先農壇 每歲仲春吉亥日致祭行三跪九叩禮祭品帛一色白羊一豕一鋤一籩四豆四簋各二爵三祭畢各官詣籍田行耕籍禮耒耜一色赤牛一色黑箱一色青正印官秉耒佐貳執青箱播種老農一人率牛官右手扶犁左手執鞭九推畢農夫終畝

雩壇 清乾隆八年定制祭於社稷先農山川壇祭品儀節並同前各地方雨澤愆期行祈禱禮亦無定日乾隆七年禮部覆准御史徐以升奏請舉行雩祭參訂唐制孟夏龍見擇日行常雩禮旱則從各壇祈禱旱甚乃大雩雨足則報祀或已齋未祈而雨及所曾經祈禱者皆報祀齋期祭品皆如常儀久雨祈晴做春秋左傳鼓用牲於社之禮而祭仍雨不止則伐鼓用牲祭於社祈求晴雨之日禁止屠(宰)不理刑名

其直省府州縣衙孟夏擇日行常雩禮或有亢旱亦皆七日先祭界內山川次祭社稷不雨仍祈禱如初但不必用大雩之禮亦不必另設雩壇社稷籍田舊等設壇壇可以恪恭將事其或淫潦爲災則伐鼓用牲以祈晴霽俱照舊行

城隍廟 舊無專祀惟春秋仲月上戊日附祭於壇廟清明七月望日十月一日合祭於邑厲壇每月朔望地方官行香

忠義節孝祠 春秋戊日致祭祭品帛一羊一豕一行二跪六叩禮

邑厲壇 清明七月望日十月一日致祭先一日主祭官詣城隍焚牒祭日奉 城隍主至壇位正中南向祭品帛一爵三羊一豕一香盤一無祀鬼神位壇下東西向各一案祭用羊三豕三飯米三斗行二跪六叩禮

火神廟 馬神廟 皆於春秋仲月上戊日致祭行一跪三叩禮

文昌 魁星 皆於丁祭日由教官致祭

土地 春秋仲月上戊日地方官致祭行一跪三叩禮

以上皆前清舊典民國以來各祀多停惟孔廟仍列大祀其因革舊制辨論之點有五

一國學稱祀不稱釋奠 古者立學必祭先聖先師所以報本反始崇德而勸學也其禮有四曰祀曰釋奠曰釋菜曰釋幣而以祀爲正祭祭義所謂祀先賢於西學是也釋奠者設薦饌酌奠而已無迎尸以下之事文王世子釋菜爲釋蘋藻而已無牲牢無幣帛釋幣則徒用幣而無菜亦無牲牢王制疏是釋奠釋菜釋幣皆爲祀禮之略者祀禮亡逸久不可考釋菜之禮又亡於唐宋間學官所舉惟畧存釋奠之儀故惟漢魏間尙稱祀孔子後此雖升大祀猶未改釋奠之名也釋奠爲祀之畧實祀而以釋奠名之其名不正祀孔既爲大祀典禮極爲隆重故宜稱祀不稱釋奠

二稱文廟爲孔子廟而大成殿仍其舊名 自魯哀公十七年立孔子廟於故宅閱千餘年未嘗出闕里至北魏太和十三年始立孔子廟堂於京師唐貞觀四年始詔州縣學皆作孔子廟孔子廟之名始見於史記孔子世家及闕里志漢元嘉二年詔此

外或曰仲尼廟孔廟宣廟孔父廟孔顏廟孔聖廟文宣王廟宣聖廟夫子廟先聖廟先師廟文廟要以稱孔子廟爲最古且最普通稱文廟爲最後文廟蓋從文宣王諡而來孔子之道生民未有非一言一行之美可以節惠定諡者比明儒邱濬論之詳矣今文宣之諡旣早罷廢則文廟之稱亦不必沿明之舊元大德十一年始加封孔子大成至聖文宣王而宋崇寧三年已詔文宣王殿以大成爲名是大成殿不因封號而名者也明嘉靖九年定孔子諡號曰至聖先師孔子因改大成殿爲先師廟大成門爲廟門不知殿因封號而名當改也不因封號而名則不必改今仍以大成爲殿名說文堂殿也御覽引說文堂殿之高大者也廣雅釋宮堂堦墜也初學記引倉頡篇殿大堂也商周以前其名不載秦始皇作前殿玉海又謂秦孝公強盛時大築冀闕由是天子殿初見秦以前堂殿本通呼漢魏以來始爲王居所專然以漢書黃霸傳先上殿顏師古注丞相所坐屋也古者屋高嚴通呼爲殿不必宮中證之則漢時丞相所坐屋尙得稱殿故今仍之

三改題避諱諸木主 古無諱名之禮周人以諱事神於是乎始諱諱名與諡典同出

於周諱者敬避而不名諡者易名而稱行其爲用不同而其意則一故爲親者諱謂

之私諱爲尊者諱謂之公諱猶諡之有公諡私諡也宋徽宗以曾參等所封犯先聖

諱改封宋史禮志金章宗泰和五年諭有司進士名有犯孔子諱者避之金史禮志是避孔子諱

之始然至清初而直省郡邑之名有孔子諱在內者猶相沿未改雍正三年始定園

丘丘字如故此外除四書五經凡遇丘字並加邑爲邱地名亦不必改易但加邑旁

蓋帝制時代臣子旣以諱名爲事君之禮自當避孔子諱以示尊孔子道實則諱非

事人所宜周雖有諱而生者不相避名故衛侯名惡大夫有名惡者君臣同名春秋

不非況今日政體改建公諡已不適用則公諱之典更可不相沿襲依習慣上言之

即不避諱亦必無直呼孔子之名者惟廟中從祀先賢左丘明前清木主加邑爲邱

據曲禮詩書不諱臨文不諱注爲其失事正疏引何胤云詩書謂教學時也臨文謂

執理文行事時也因誦詩書執理文行事而有所諱本非孔子所許今宜改題毋庸

加邑爲邱此外木主有因犯清帝廟諱而以字題者如先儒鄭康成缺筆者如先儒陳淳更當執廟中不諱之例改題先儒鄭玄陳淳述聖孔伋因避孔子之姓而題子思子尤爲不典按宋史度宗紀咸淳三年以顏淵曾參孔伋孟軻配享元史祭祀志延佑三年詔以顏子曾子子思孟子配是四配之始本不稱子思稱子思蓋自元始今宜一例更正題述聖孔子或謂殿內不名若不題子思子嫌與至聖先師孔子無別不知禮不諱名嫌况至聖先師孔子與述聖孔子顯然有別十二哲中如先賢冉雍冉耕冉求同姓木主皆題先賢冉子崇聖祠中如先賢孔孟皮孔鯉同姓木主皆題先賢孔氏未嘗嫌其無別何獨於述聖而嫌之至丘氏本以太公之後食采謝丘得姓清初以來加邑爲邱相沿已久其願仍從習慣者各聽其便

四儀文器數之增損 唐開元禮國學釋奠尙以皇太子諸州以刺史縣令至宋紹興十年始以在京釋奠爲大祀州縣爲中祀同一祀孔子而京外異儀非所以昭崇敬之道今宜一之元至正儀迎神前唱闔戶送神後唱闔戶明洪武儀將行禮起鼓三

嚴然後獻官至頗合大昕鼓徵之古義用四拜禮則始於洪武二十六年今並採之此外損益大都參照前清大祀典惟兩廡各用少牢三先賢先儒分配不勻今宜各省其一崇聖祠正位五位各用一太牢今改爲統設一俎上香非古也故去之拜下禮也前清大祀南北郊皆拜於第二成階上社稷拜於蠶門外正中皆取拜下之義既定祀孔與祀天一律故宜拜於殿門外以昭崇敬又各地方祀孔子三獻之爵如不及備玉者得代以銅

五樂章暫仍清舊而以和爲名 清樂園丘九奏方澤八奏社稷七奏太廟六奏皆大祀也故祀孔子仍得用六奏沿清之舊不必同祀天九奏也宋大觀三年大晟府擬撰釋奠十四首皆用安字 宋史樂志 而元史樂志載祀宣聖樂章共二十有七皆用明字其十四章全用大晟樂府明洪武六年定祀先師孔子樂六章皆用和字亦全襲大晟樂府之詞至洪武二十六年始頒大晟樂於天下今祀孔樂章暫仍清舊畧加點竄清樂以平爲名今悉改爲和字

茲志民國祀孔禮制如左

一齋戒 每歲夏時仲春仲秋兩上丁日縣知事致祀孔子廟前祀三日齋戒散齋二日致齋一日

二供張 前祀一日執事員潔蠲殿廡內外拂拭

神坐正位籩豆案一其前俎一又前香案一皆南嚮東配二龕西嚮西配二龕東嚮籩豆案俎香案各二東序一龕西嚮西序一龕東嚮籩豆案各六統設俎香案東西各一殿中少西視案一南嚮東尊桌一接桌一福胙桌一西尊桌一接桌一均北嚮○正位神龕東旁饌桌一南嚮○四配神龕北旁饌桌各一○東西哲位神龕北旁饌卓各一均東西嚮東廡先賢四十位

先儒三十八位籩豆案三十有九每案二位統設俎香案各二先儒先賢各一均西嚮西廡先賢二十九位先儒三十七位籩豆三十有九每案二位惟第二十案先賢一位第三十九案先儒一位統設俎香案各二均東嚮廡內兩旁各設饌桌一南北嚮門內之南各設尊桌一北嚮

崇聖祠正中五龕均南嚮籩豆案五香案五統設俎一東配一龕西嚮籩豆案三香案三西配一龕東嚮籩豆案二香案二俎設東西各一正位案旁東饌桌三西饌桌二配位饌桌東西各一殿內少西視案一南嚮東尊桌一接桌一西尊桌一接桌一東廡先儒三位西嚮籩豆案二西廡先儒二位東嚮籩豆案一統設俎東西各一香案各一饌桌尊桌亦東西廡各一

三書祝版

前祝一日午後執事員敬書祝版

用白紙墨書版長一尺一寸廣八寸

潔室安奉遂詣

宰牲所省牲既宰遂戒具視滌漑辨籩豆盥寫之實以次展於饌所

四陳設

將事之夕夜半執事員入陳器具

正位籩豆案上爵墊一其前登一鏹二

簋二簋二籩十有二豆十有二俎實牛一羊一豕一香案上設鑪一燭臺二 四配

位每案爵墊一其前鏹二簋二籩八豆八俎實羊一豕一香案上設爐一燭臺

二 十二哲位每案爵墊一爵三鏹一簋一籩一籩四豆四鐙二俎實羊一豕一香

案上設爵座墊一鑪一燭臺一帛九

正位一配位二哲位六

尊四

正位一配位二哲位一

爵十有二設東尊桌接

桌上帛八配位二哲位六尊三配位二哲位一爵九設西尊桌接桌上壺一實福酒並爵一盤一實胙肉

均設東福胙桌上凡帛皆色白正位四配異籩十二哲東西共籩凡尊實酒承以舟

疏布幕勺具東廡每位爵一每案簠一簋一籩四豆四先賢案前統設俎實羊一豕

一香案上設鑪一燭臺二皆先賢先儒各一先儒案前陳設同尊桌上設帛二尊二皆先賢先儒各一虛爵六

籩幕勺皆具西廡陳設同

崇聖祠 正位每案爵墊一其前鋤二簠二簋二籩十豆十香案上設鑪一燭臺二

又前統設一俎實牛一羊一豕一配位每案爵墊一其前簠一簋一籩四豆四香案

上設鑪一燭臺二又前東西各統設一俎實羊一豕一東尊桌接桌上設帛六尊六

皆正位配位各三爵十有八西尊桌接桌上設帛四尊四皆正位配位各二爵十有二兩廡每位爵一每

案陳設簠簋籩豆如配位之數東西統設俎各實羊一豕一俎前香案上各設鑪一

燭臺二尊桌上各設帛一尊一虛爵三籩幕勺皆具 凡登鋤簠簋皆用銅籩用竹

豆用木籩用竹俎用木爵正位三爵用玉餘皆用銅司樂設樂懸於殿外兩階鐃鐘

一編鐘十有六在東持磬一編磬十有六在西皆懸以虞業東應鼓一柷一麾一西
敵一東西分列琴六瑟四簫六篪四排簫二塤二笙六搏拊二旌四節四千戚
羽籥各十有四

五省盞 陳設畢執事員周省盞盛及籩豆登鉶之實次詣兩廡省畢次詣崇聖祠正
殿及兩廡省眠如儀

六辨位 縣知事主孔子廟之祀分獻以属官或公立學校校長四配十二哲兩廡各
東西一人殿門外正中為正獻拜位甬道左右為分獻拜位均北嚮殿上司祝一人

立祝案西東嚮司帛四人司爵四人

皆正位一配
位二皆位一

捧福胙二人立東案之東西嚮司帛

三人司爵三人

皆配位二
皆位一

接福胙二人立西案之西東嚮贊引對引分立於正獻拜位

左右東西嚮典儀立於殿右門外分贊東立於分獻之右西嚮西立於左東嚮司燎
一人立於燎鑪之隅兩廡司帛爵共八人每一統設案分立二人南北嚮

崇聖祠正獻拜位在階上正中分獻四人拜位在階下贊引一人立正獻拜位左東

嚮分贊四人分立於分獻左右讀祝位在殿中門檻內均北嚮司祝典儀司燎各一人正殿司帛爵各十人各正位五東配位三西配位二兩廡司帛爵每統設案二人立位與前儀同

七盥洗閱祝版 祭日昧爽各員豫集贊引導正祭官由櫺星右門入就室盥洗盥畢

司祝以祝版進正祭官恭閱署名司祝進奉於祝案

八就位 鼓初嚴典儀贊執事員就位執事員各就位再嚴燃燭焚香三嚴贊引導正

祭官由大成門右門入升午階就位北嚮立分贊引分獻官於甬道左右就位北嚮

序立典儀贊樂舞生就位執事員各司其事

九迎神 典儀贊闢戶闢戶訖贊迎神司樂舉麾贊舉迎神樂奏昭和之章凡樂作止舞進退均司樂執麾

引辭曰大哉 孔子先覺先知與天地參萬世之師祥徵麟紱韻答金絲日月既揭

乾坤清夷工鼓祝樂作贊引贊四拜正祭官四拜各員皆四拜司樂偃麾工憂敬樂

止凡樂以舉麾鼓祝作偃麾受敬止

十初獻讀祝 典儀贊奠帛爵行初獻禮司帛爵奉帛篚揭尊幕勺挹酒實爵以進司

樂贊舉初獻樂泰離和之章辭曰永懷明德玉振金聲生民未有展也大成俎豆千古春秋上丁清酒既載其香始升舞干戚之舞贊引贊詣奠帛獻爵位導正祭官進殿右門詣帛獻爵案前正立贊獻帛司帛進篚正祭官受篚拱舉司帛奠於案正中贊獻爵司爵進爵正祭官受爵拱舉司爵奠於塾中退贊復位導正祭官仍由殿右門出復拜位立左右司帛爵各奉篚實爵進至 四配 十二哲位前立兩廡司帛爵各奉篚實爵詣 先賢 先儒位前立分獻官各就案前受帛爵拱舉司帛爵獻於案上退司祝就祝案前立贊引贊詣讀祝位導正祭官進殿詣讀祝位正立樂暫止典儀贊讀祝司祝捧祝立正祭官左讀祝辭曰維某年月日某官某致祀於至聖先師孔子曰維 先師德參化育道貫古今集羣聖之大成炳前知以垂憲天下爲公中國一人之量生民未有六經千載之心循宮墻而瞻美富入室升堂隆俎豆而奉馨香先明後法茲當上丁祇率犇章肅展微忱聿將祀典以 復聖顏子宗聖曾子 述聖孔子亞聖孟子配鳴呼聲名所屆血氣莫不尊親光景常新禮樂

明其禋祀尙 饗讀畢正祭官拱舉司祝奉祝版安於篚退樂復作贊引贊復位贊
四拜正祭官復位四拜各官皆四拜樂止武功之舞退文舞執羽籥進

十一亞獻 典儀贊行亞獻禮司爵執爵以進司樂贊舉亞獻樂奏熙和之章辭曰式
禮莫愆升堂再獻響協葢鏞誠孚疊獻肅肅雍雍譽髦斯彥禮陶樂淑相觀而善樂
作舞羽籥之舞贊引贊詣獻爵位導正祭官詣獻爵案前奠爵於左 四配 十二
哲兩廡隨分獻如初復位樂止

十二終獻 典儀贊行終獻禮司爵執爵以進司樂贊舉終獻樂贊淵和之章辭曰自
古在昔先民有作皮弁祭菜於論思樂惟天牖民惟聖時若彝倫攸敘至今木鐸樂
作舞如亞獻贊引贊詣獻爵位導正祭官進殿詣獻爵案前奠爵於右 四配 十
二哲兩廡隨分獻如亞獻儀復位樂止文德之舞退

十三受福胙徹饌 典儀進至殿東西嚮立贊賜福胙退贊引贊詣飲福受胙位導正
祭官進殿詣飲受福受胙位位正立捧福胙員就東案捧福胙祇立正祭官之右接

福胙員祇立於左贊飲福酒右員進福酒正祭官受爵拱舉授左員贊受胙右員進胙正祭官受胙拱舉授左員贊引贊復位導正祭官復拜位立贊引贊四拜正祭官四拜分獻各員皆四拜典儀贊徹饌司樂贊舉徹饌樂奏昌和之章辭曰先師有言祭則受福四海蠻宮疇敢不肅禮成告徹毋疏毋瀆樂所自生中原有菽樂作司爵進徹籩豆各一少移故處樂止

十四送神 典儀贊送神司樂贊舉送神樂奏德和之章辭曰鳧繹峨峨洙泗洋洋景行行止流澤無疆聿昭祀事祀事孔明以化蒸民以育膠庠樂作贊引贊四拜正祭官四拜分獻各員皆四拜樂止

十五禮成 典儀贊奉祝帛送燎司祝奉祝司帛奉篚司爵奉酒饌

豫設饌盤略取蓋籩豆之實置盤內以備送燎

以次由中道出恭送燎爐正祭官轉立拜位旁西嚮俟祝帛過仍復位 四配 十二哲兩廡帛饌均送焚燎分贊引分獻員退立拜位東西樂作典儀贊闔戶闔戶訖贊禮成樂止贊引引正祭官仍自右門出分獻員皆出各退

崇聖祠同時遣員致祭正獻以屬官分獻以學校教員或地方員紳贊引引承祭官入祠垣右門詣階下盥手分贊引分獻員隨入典儀贊執事員各司其事贊承祭官就位引承祭官分獻員各就位北嚮立典儀贊闢戶闢戶訖贊迎神四拜承祭官分獻員皆四拜贊奠帛爵行初獻禮贊引贊就奠帛爵位引承祭官入殿右門詣肇聖王位前正立司帛奉篚承祭官受篚拱舉奠於案司爵奉爵承祭官受爵拱舉奠於塾中以次詣左右正位前奠帛獻爵儀同贊引贊詣讀祝位引承祭官詣讀祝位正立司祝奉祝立案左讀祝辭曰維年月日某員某致祭於肇聖王木金父公裕聖王祈父公 詒聖王防叔公 昌聖王伯夏公 啓聖王叔梁公 曰維王垂裕後昆光開聖緒爲層冰之積水作大輅之椎輪既祖功而宗德必有達人亦木本而水源不忘數典茲屆上丁聿修祀事配以先賢孔氏 先賢顏氏 先賢曾氏 先賢孔氏 先賢孟孫氏尙 饗讀畢奉祝版安於篚贊引贊復位引承祭官出殿右門復位典儀贊四拜承祭官分獻員皆四拜分贊引正殿分獻員入殿左右門

詣 配位前引兩廡分獻員分詣兩廡 從位前奠帛獻爵復位均如正獻儀亞獻各獻爵於左終獻各獻爵於右均如初獻儀典儀贊徹饌徹饌畢贊送神四拜承祭官分獻員皆四拜贊奉祝帛送燎司祝司帛司爵各奉祝帛酒饌以次送燎如儀承祭官避立兩旁俟過復位典儀贊闔戶闔戶訖贊禮成贊引引承祭官仍由祠垣右門出分獻員隨出各退

房山自元延祐二年創建孔子廟造祭器如式迄於前清光緒二十年五百餘載變亂屢經每多殘缺邑人增新補舊凡成犧尊一象尊一罍一登一鉶二簠各二豆十爵四十有三餘尙未備樂舞之器盡付闕如續而成之是所望於後之君子矣

關岳廟 中華民國四年三月仿古禡祭武成廟祭遺意定關岳合祀典禮就現有壇廟擇其基地較廣屋宇較宏敞者酌量改建定名爲關岳廟殿內正位左奉 關壯穆侯右奉 岳忠武王兩序從祀諸名將斷自蜀漢以後下逮元明列二十有四人張飛王濬韓擒虎李靖蘇定方郭子儀曹彬韓世忠旭烈兀徐達馮勝感繼先皆東

位西嚮趙雲謝玄賀若弼尉遲敬德李光弼王彥章狄青劉錡郭侃常遇春藍玉周
遇吉皆西位東嚮

祀以春秋分節氣後第一戊日由地方長官爲正獻屬官爲分獻祭日正獻以下皆
具祭服集致齋所正獻盥手閱祝版署名訖司祝進奉於祝案俟鼓三嚴贊引引正
獻入武成門左門分贊引分獻傳贊引與祭員隨入典儀贊樂舞生就位執事員各
司其事贊獻官就位正獻分獻及與祭員各就位北面立贊迎神司樂贊舉迎神樂
奏建和之章辭曰懿欒兮神功震華夏兮英風義勇兮河東惟湯陰兮與同修祀典
兮方州佇降歆兮闕官樂作贊引贊再拜傳贊贊衆官皆拜正獻分獻及與祭員皆
行再拜禮再拜興樂止典儀贊奠帛爵行初獻禮司樂贊舉初獻樂奏安和之章辭
曰神來兮格思風馬下兮靈旂量幣兮初陳薦芳馨分玉卮瞻仰兮明威儼如在兮
軒墀舞干戚之舞司帛爵捧帛爵各進神位前立樂作贊引贊詣奠帛位引正獻入
殿左門詣關壯穆侯帛案前立贊奠帛正獻受帛拱舉仍授司帛奠於案正中退

贊詣獻爵位引正獻詣 關壯穆侯案前贊獻爵正獻受爵拱舉仍授司爵奠於案
正中退贊詣奠帛位引正獻詣 岳忠武王帛案前奠帛贊詣獻爵位引正獻詣
岳忠武王爵案前獻爵均如前儀典儀贊復位引正獻仍由殿左門出復拜位立分
贊引兩序分獻入殿左右門各就案前立受帛爵拱舉仍授司帛爵獻於案上退司
祝就祝案前捧祝版至案西先立樂暫止贊引贊詣讀祝位引正獻進殿左門詣讀
祝位正立典儀贊讀祝辭曰惟某年月日某地方某官某敬祭於 關壯穆侯 岳
忠武王曰惟神武功彪炳偉烈昭垂建大節於千秋振英風於六合忠誠正直麗河
岳而長留智仁勇功與日星而並耀潔馨香而合祀德量同符肅俎豆以明禋心源
如接惟祈歆享克鑒精誠尙 饗司祝讀祝畢正獻受祝版拱舉仍授司祝司祝奉
祝版安於篚退樂復作贊引贊復位引正獻出殿左門復拜位立樂止典儀贊行亞
獻禮司樂贊舉亞獻樂奏靖和之章辭曰萬舞兮洋洋禮再舉兮陳觴靈昭昭兮既
留庶鑒誠兮降康樂作舞同初獻司爵捧爵分詣 關侯 岳王位前拱舉各奠於

左退兩序隨分獻如初樂止典儀贊行終獻禮司樂贊舉終獻樂奏康和之章辭曰
名世兮鍾靈炳河嶽兮日星祀事兮三成肅駿奔兮廟庭樂作舞同亞獻司爵捧爵
仍分詣 關侯 岳王位前拱舉各奠於右退兩序隨分獻如亞獻儀樂止典儀進
至殿東西向立贊受振退贊引贊詣受振位引正獻進殿左門詣受振位正立司振
就西案執振祇立於正獻之左接振祇立於右贊引贊受振正獻受振拱舉授於右
贊復位引正獻出殿左門復拜位立贊再拜傳贊贊衆官皆拜正獻以下皆行再拜
禮典儀贊徹饌司樂贊舉徹饌樂奏蹈和之章辭曰告徹兮禮成神其受兮苾芬明
德兮惟馨播聲威兮八紘樂作司爵進徹籩豆各一少移故處退樂止典儀贊送
神司樂贊舉送神樂奏揚和之章辭曰雲駕兮高翔神將歸兮九閭受福兮蒸民導
我武兮惟揚樂作贊引贊再拜傳贊贊衆官皆拜正獻以下皆行再拜禮樂止典儀
贊奉祝帛送瘞司祝帛司爵進捧祝帛酒饌依次恭送瘞所時贊引引正獻轉立西
旁俟祝帛過復拜位立兩序帛饌均隨送瘞樂作

樂章與上
並爲一闕

典儀贊禮成贊引引正獻

出武成門左門分獻以下隨出至致齋所樂上各退

慶典 前清迎春之禮本於王制定爲慶典先期造土牛耕夫有大門外立春前一日地方官率僚屬具朝服列儀衛諸歌部雜戲農夫秉耒耜前導迎春於東郊設公所奉 勾芒神位行一跪三叩禮衆官少坐隨起遂迎神至土牛所明日依立春時先於神前行一跪三叩禮獻爵讀祝畢復行一跪三叩禮遂擊鼓長官以綠仗鞭牛三農夫繼鞭出土牛

其他冬至元旦及萬壽節皆先一日習儀設龍亭於公所是日五鼓文武官各朝服齊集東西分列禮生贊引班序至拜位行三跪九叩禮

迨至民國此禮皆停而定十月十日爲國慶日內而國家元首每於是日行閱兵典禮外而地方各機關各學校皆會集於一處登壇演說發揚國先舉行慶賀之禮他如民國政府成立爲一月一日南北統一爲二月十二日國會開幕爲四月八日恢復共和爲七月三日雲南起義爲十二月二十五日皆國實之紀念雖不入慶典

而各機關各學校亦於是日放假休息以誌慶幸之意焉

相見禮 相見禮規定於民國四年七月通行於各地考之士相見禮仿於儀禮而大夫相見及先生見君子皆與焉周禮司徒定六禮以節民性相見與冠昏喪祭並列先聖制禮固如是其重也晋天福周顯德中以廷臣內職賓從將校比其品數著爲綱條載於刑統既嫌不詳而由宋迄明迄清踵事增華等級太分又病繁重民國制禮因服務之等差畧分次序使歸簡易所謂禮從宜也跪拜之禮今改鞠躬三鞠躬係見 大總統禮用之社會尙嫌繁重茲初見禮定爲再鞠躬取古人再拜義也長揖一禮有議復者然今之大禮服規仿西式西衣用揖必貽訾笑若衣乙種禮服願行長揖亦聽其便茲特錄其規定之明文如左

凡官民見副總統初見遞禮柬副總統出見免冠再鞠躬副總統答禮及退一鞠躬副總統答禮送於門內凡常見通名帖免冠一鞠躬副總統答禮亦如之凡文武官敵體相見初見通名刺賓入主人迎於門若在室內各免冠一鞠躬及退主人送於

門外若在室外文武官應視相見之地位或免冠一鞠躬或行軍禮舉手依時依地定之凡常見亦免冠一鞠躬

凡文官敵體相見如前儀凡常見各免冠

凡武官敵體相見各從其陸海軍禮

凡僚屬見長官初見遞禮東長官出見免冠再鞠躬長官答禮及退一鞠躬長官答禮送於門內凡常見通名帖免冠一鞠躬長官答禮亦如之

凡長官依現時服務職務定之

凡武職屬官見長官如前儀若在室外或有特別事宜

若大閱及出師之類

見長官時各從其陸海軍禮

凡文職屬官見武職長官爲所統轄者各如見長官禮如不爲統轄者文職屬官仍守僚屬禮武職長官則從敵體相見禮

凡武職屬官見文職長官爲所統轄者各如見長官禮如不爲統轄者武職屬官仍守僚屬禮文職長官則從敵體相見禮

凡人民見官長初見遞名帖官長出見免冠再鞠躬官長答禮及退一鞠躬官長答禮送於門內凡常見一鞠躬官長答禮亦如之

凡人民敵體相見初見通名刺賓入主人迎於門各免冠一鞠躬及退主人送於門外凡常見亦免冠一鞠躬

凡卑幼見尊長初見通名帖尊長出見免冠再鞠躬尊長答禮及退一鞠躬尊長答禮送於門內若尊長來見卑幼迎送於門外如前儀凡常見免冠一鞠躬尊長答禮亦如之如尊長係親屬者不致送

凡弟子見師長初見通名帖師長出見免冠再鞠躬師長答禮及退一鞠躬師長答禮送於門內若師長來見弟子迎送於門外如前儀凡常見免冠一鞠躬師長答禮亦如之

凡女子相見及男子女子相見均各以其等差適用以上各禮惟女子均不免冠

風俗 繫於水土謂之風成於政教謂之俗燕自召公建國化行俗美下逮漢唐遠在

邊境漸染強悍之風自金亮遷都元明清因之未改號首善者又已六百餘年矣房山地隸幽燕民之習尙由來已久欲知其俗必先考其風之所自來爾雅燕曰幽州注曰自易水至北狄幽要也故疏曰燕其氣深要厥性剝疾管子曰燕之水萃下而弱沈滯而雜故其民愚戇而好真輕疾而易死吳子曰燕之人好勇義寡詐謀故陳守而不走史記貨殖傳曰地踔遠人民稀大與趙代俗相類漢書地理志云其俗愚悍少慮敢於急人燕丹遺風也隋地理志云其俗人性多敦厚務在農桑而傷於遲重重氣挾結朋黨共相赴死生亦出於仁義故班志述其土風悲歌慷慨椎剝掘冢亦自古之所患焉韓愈送董邵南序云燕趙古稱多慷慨悲歌之士契丹國志云水甘土厚人多技藝秀者學讀書次則習騎射耐勞苦范鎮幽都賦云風俗樸茂遼地理志云其民執干戈奮武衛風氣剛勁古爲用武之地方輿勝覽云民務農桑士習詩書無強暴相凌之風有寡求不爭之習統觀以上所述燕之古風已可概見房山地處其中猶存古俗舊志曰民性質朴業務耕讀不好習商賈工匠末藝敦禮義重

廉恥城內不乘輿馬無貴賤少長出則於郭外乘之入則至郭外下輿馬步入婚姻不擇財勢惟擇舊姑與婿之賢者相締遇喪葬務盡哀合禮不以觀美爲悅祭奠盡誠不以牲醴錯陳爲豐賓客會飲將敬而已不以華筵重簋互相炫耀服飾不尙侈靡卽富貴之家祇期莊雅爲佳較京師之繁縟涿良之浮夸稱最樸焉一切器物但取堅質適用而已不以雕鏤金玉相競尙渾噩之氣獨留於巖邑然自明萬厯初有厭儉從奢之意淳樸不無少變云民國以來奢風日甚踵事增華從風而靡 司風教者爲之三致意焉

冠婚喪祭鄉飲酒古禮本有明文歷代相沿屢經變革地方風氣不無岐尙彼大倣行遂成習慣民國初建無整齊劃一之規開館制禮多未告成卽成而亦有不實行者矣各處鄉風尙沿習俗語曰百里不同風其信然耶至於春秋佳日歲時令節地方故事大致畧同故志其風俗云

冠 今之士民家率自十五六至二十歲爲之起某字某號亦冠而字之之遺意也其

筮日筮賓及三加醮宴諸儀節即士夫家亦鮮克講焉古禮之廢久矣特紀之以存其名耳

婚 媒妁 有親戚故舊因兩姓人品門第相當爲之介紹者有兩姓同意求親舊介紹者此等媒妁不求酬報鮮有詐欺有專爲媒妁以營生者往往顛倒妍媸多不可靠

婚書 媒人通知兩姓後書女年庚於紙送男家曰過小帖男家請人按女生年月日時察其與男命合否曰合婚如合則兩姓各書紅箋請媒人交換曰過大帖大帖過則定婚謂之婚書

合婚人 俗曰算命先生謂人生之年按十二地支皆有屬象如子年屬鼠丑年屬牛之類兩象不合名曰犯象此爲大凶不可定婚往往兩姓人品門第皆宜有因犯象而不能結合者明達之家亦不盡信普通人無不信仰甚深無敢違背者

財禮 兩姓同意時男家必出洋若干或布帛首飾等女家始承諾是曰財禮然從

前習慣女再嫁時往往有之其後沿爲風俗卽初嫁之女其父兄亦多有此要求士大夫之家不屑爲也

通書 男家定日迎娶恭繕大柬一份求媒人傳達女家曰通書又備豬羊等禮若干份隨通書送至女家曰過禮禮視貧富爲差

嫁妝 女家於娶之前一日或同日備衣物若干令人擡至男家陳設於洞房曰嫁妝多寡以貧富爲差是日女家請媒人或他賓隨嫁妝送往男家曰押嫁妝從前普通人家備嫁妝四擡富家八擡至十二擡已足後則奢風漸啓大戶有至數十擡者然民國以來鐵路交通便利亦有自北京購買嫁妝派人逕運送至男家者此簡便之道大可通行也

親迎 房山風俗多行親迎禮東北各鄉間有不親迎者謂之等親娶妻之男子女家稱之曰姑爺衆人稱之曰新郎娶時請男客四人或二人女客一人同往男家曰伴郎或曰倍客女客曰娶女客尊稱之曰娶親太太是日備彩轎一或二或三不等

車馬皆備鼓吹六人至十數人不等儀仗曰執事在前清時代雖平民亦可用七品五品官執事國家不之禁俗謂之小登科旂鑼傘扇紛紜道路鳴炮作樂喧闐街市迨至女家因道路遠近或備茶點或備酒席不等婿初入門至天地前拜見親長臨行時亦然曰謝親及娶回新郎新婦至天地前行禮曰拜天地拜畢入房曰入洞房入房後新郎用秤鈎子揭開新婦蒙頭紅巾曰挑蓋頭然後新郎新婦並坐床上曰坐帳坐帳時飲交杯盞食子孫餃子長壽麪即古禮所謂共牢而食合巹而酌也明日凡親長至男女交拜曰受禮女家親友四人或八人至門曰會親三日有祠堂者拜祠無者至祖塋拜墓曰拜祖四日或八日或十二日男至女家拜識親長女亦偕往曰回門至九日十八日女家來人曰作單雙九至一月女家接女回家住若干日不等曰住對月

設席 男女家至婚期各備筵以謝親舊曰設席從前一席或六碟六碗或八碟八碗至十二碟八碗者爲已極今則十二碟八碗爲普通席甚至一席費十數元

分子 婚家設席請客所費甚巨親戚鄰里各備錢若干以補助之曰分子意在按人攤分不令主人賠累也而主人亦設筵豐盛不賺親友之錢兩盡其情俗至厚也亦有設席意在賺錢者名曰打秋豐大概分子每人五百至一千爲普通多者一元或數元不等近年物價昂貴主人多賠累每不出帖請客而打秋豐者亦少

喪 入殮

人死扶尸于床覆衾其上親族號哭還魂卽古復禮也無大小斂之分當日或第二日奉尸斂於棺曰入斂卽古禮所謂殯於客位也然今則不在西階今所謂壽終正寢卽古禮所謂死於適室故停柩多在室中三日成服亦古禮也初終詣五道廟焚紙日三次謂之報廟書死者姓氏年月日榜於門謂之殃榜

接三 人死報告親友近者無不於第二日來弔是日晚糊紙車馬及箱囊等物死者之家族及親友送往五道廟前焚之日接三又曰送路送路之夕鄉間風俗多備酒席城內則茶點而已

做七 人死之後皆按七日計算日期如三七五七出殯皆其例也而以首七爲最

重大概城鄉風俗不辦三天者多於日具酒席招待親友舉行禮祭焚燒樓庫曰做七遠方親友於接三來不到者當於是日來弔也

開弔 喪主定期安葬先期一日或二日三日啓靈堂具酒席豫備親友來弔曰開弔貧家亦有出殯日設席收禮開弔日不設席者俗謂之開空弔富家則於親友來者則送以白布孝衣孝帶晚輩兼有孝帽曰散大孝普通者僅散孝帶而已

舉旌 衆鄉友於開弔日豫備白布銘旌彩樓一座用紅紬一匹書死者之官銜名號年歲懸掛於中鼓吹作樂送至喪家曰舉旌亦古人旌表之意也

誦經 喪家迷信延僧道各九人或十一人於喪期念經超度謂於亡人有益可以免罪富家有兼用喇嘛經者普通人家或有僧無道或有道無僧其開始之日謂之入壇夜間搭起高座朗誦中宵曰放焰口

成主 喪家奉祀死者之神主多於發引前一日延請地方有德望之士用朱墨筆題主字上一點以昭鄭重曰成主士大夫家亦有兼請人書主及貫神字之中畫者普

通則否

堂祭 辭靈之夕喪家請禮賓四人贊引孝男行三獻禮作樂唱歌讀祭文於靈位前曰堂祭堂祭亦有用大升堂者其禮於樂歌之外增添講書非普通之俗也

安主 主成之後孝男換吉服奉神主安於寢室禮賓四人贊禮獻帛獻爵獻肴讀祝文以告神曰安主

辭靈 靈將安葬於前一日夜晚衆親友共祭一次死者之家族舉行哀祭曰辭靈發引 喪家豫先請人擇定吉時屆時起靈親友執紼送殯曰發引富家之喪發引時冥衣執事僧道鼓樂十旛影亭魂轎銘旌樓子按次排列親友送至郊外此喪事之盛舉也而覆棺之罩近年奢風日啓喪家每於此爭新門廳不惜出巨貲以賃之美其名曰用頭水普通之家亦有冥衣執事鼓吹和尚或道人送殯發引雖有定時然亦有因人客太多酒席不完時辰已到者將棺稍爲移動以應吉時謂之欠棺亦權便之道也

安葬 南方停柩不葬謂之山向不利房山此事甚少近年因時局不靖安葬尤速俗語云亡人入土爲安此最善之俗也然而拔墳一事翻尸倒骨有傷仁人孝子之心願邑人爲之戒焉

圓墳 安葬三日死者親族赴墳上焚香燒紙舉哀將新塚之土圓之謂之圓墳
送船 人死六十日生者爲之請冥衣鋪糊船價視大小爲差奢者或至百餘元是日家族及至近親友送至河邊或野外焚之俗謂之豫備死者過黑河

祭 家祭 房山絕少祠堂家廟普通人家皆在室中設一龕奉神主或懸畫像每至歲時忌日具牲醴果殽焚紙錢祭拜遇生子娶婦諸事亦必祭之

墓祭 清明七月十五日及十月初一日俗謂之鬼節士民家於是日上墳祭祀焚香燒紙錢十二月三十日赴墳上焚香請祖宗回家過年正月初三日晚在家祭拜
送祖宗

鄉社 古禮鄉飲酒之事有四一則三年賓興賢能二則鄉大夫飲國中賢者三則州

長習射飲酒四則黨正蜡祭飲酒意至善也今則各鄉於一定時期仿古春秋報社之義集聚鄉人賽神飲酒如青苗會等有古人蜡祭會飲之風焉惟無賓主介僕之分酬酢辭讓之節此不同於古者也

廟會 房山如娘娘藥王城隍東嶽等廟會商賈雲集男女混雜其始起於道士要結鄉人以爲會首約請客商年年趕會此歛財其後遂成爲風俗沿爲故事會期一到趨赴若狂士女往來擁擠不堪忝不爲怪甚矣習俗之囿人也亦司風化者所當注意者矣

元旦 士民家預於除日貼門神貼春聯貼挂錢至日男婦皆五更即起迎神祭祖先燃爆竹各照倫序拜尊長已乃親友更相賀歲卑幼先往拜親長平交則互相先後今平交率用帖亦甚便也養牲口者清晨隨喜神方位驅之謂之迎喜神

燕九 正月初九日及十九日士民爭往城西留臺尖登高謂之逛燕九四鄉登高之俗亦然

上元 元宵節弛夜禁街市張燈士民觀燈食元宵放花炮鋪戶懸燈演唱爲樂

二月二日 俗名龍擡頭士民家作煎餅食豬頭每於是日熏虫

清明節 省墓祀先添土挂紙錢民國定爲植樹節城內各機關赴城東官有林場種樹

三月三日 古於是日至水邊修禊謂之祓除不祥士民多於上巳日出遊踏青病創者以長流水洗之亦修禊之遺意也

四月八日 縣境各寺院如永壽西域等寺每於是日作浴佛會西域尤盛遠方來者頗多赴其地者每於是日藉覘風景焉

五月五日 城鄉各戶懸符艾插桃枝食角黍泛菖蒲酒用雄黃塗小兒耳鼻以避毒虫

六月六日 晒麵作醬曬書畫及皮衣等物

七月七日 婦女乞巧投針於水借日影以驗工拙至夜仍乞巧於織女

七月十五日 士民具酒穀祀先塋建醮放河燈佛教辦盂蘭會是日城隍出巡

八月十五日 親友賓主各餽送月餅是日夕家家具瓜果拜月合家共食一大月餅
謂之圓月

九月九日 士民蒸餠多於是日登高會飲賞菊

十月一日 士民家製紙衣諸錢焚於先塋謂之送寒衣

冬至日 俗於是日行祀先師禮弟子拜先生窗友交拜

十二月八日 民家以諸色和棗栗煮粥謂之臘八粥

十二月二十三日 各家以糖及年餠茶水祀竈神

除夕 是夕男婦禮拜尊長曰辭歲院中散布芝麻稽夜則燎木頭於天井雜柏枝燒
之謂之歲火

房山縣志



實業

嗚呼自前清末季中外交通東西洋各國皆稱富強而中國獨患貧弱者何哉蓋以政體率由舊章而實業不講也先年閉關自守無所競爭理財者但求節流不講開源而國用已足近年萬國通商鷹麟虎視潮流所激仍拘守舊法則國無以存況新政繁興在在需欸昔之量入爲出者今則須量出爲入節流之外必須開源除振興實業別無良法所以國家設專部大學設專門各省設廳各縣設局日夜研究不遺餘力房山雖山僻小縣而農工商礦諸大端皆蒸蒸日上尤關心時局者所應注意也故志實業

實業簡明總表

實業表

農業
鑛業
工業
商業

農業 民為邦本食為民天四民之中農居其首况工業之原料商業之運輸無不取給於農農之係於國家其重可知矣房山地居高瘠年產米穀遜他縣供本境者半不敷然林業牧畜他縣或不及焉茲編所記首田業次林業而畜牧亦加詳焉他如蠶桑造釀註其畧留意生活者或有取焉

房山全縣農業簡明表

全縣農田面積

全縣農田產額

全縣農戶口

全縣農產分配

全縣農民團體

農業

全縣農民正業


田業

高田

平田

全縣農田之面積 按京兆調查報告房山全境有七千三百方里以每方里五頃四

全縣農民副業



十畝折合之得三百九十四萬二千畝就是三萬九千四百頃除西北山河占有外所有平田絕長補短長不過一百二十里寬不過十二里折合七千餘頃除去河道外所餘不過六千頃若以村約計之平地一百六十餘村村以四十頃合計亦不過六千頃餘若高山深澗其田高下奇零難以畝計雖亦產生穀粟而忽有忽無國家棄之於民不暇問也吾房此等高田約九十餘村燕京建都始自金元越年七百有餘載其休養生息墾闢日增林業日盛故其中亦多樂土焉合計當亦不下二千頃此不過因農業而附記之而國家究不可以科則繩也

全縣農田之產額 全境瘠土甚多以豐歉平均計每畝不過五斗以八千頃計產穀不過四十萬石每石折價七元共計二百八十萬元

全縣農民之戶口 接近年戶口調查二百五六十村村有大小分今無定僅言概數一萬七千一百二十

一戶十六萬口上下而農商部調查表則云兩萬零八百九十四戶近年軍人供給按村大小均派而村之大小以

戶之多少爲比例故人多隱戶不隱口故前後互異

全縣人產之分配 以上所載田八千頃每人不過分田五畝產穀四十萬石每人分穀兩石五斗二百八十萬元每人分洋十七元三角

按吾縣普通人民生活之程度人必須三十五元始能足用而所得僅十七元三角其不敷已過半矣若無他業輔之其生存也難矣

全縣農民之團體

一縣農會 民國八年成立選舉正副會長各一人呈報農部在案俟因經費無著亦無辦公地點常年未能開會等諸若有若無矣

按此項機關在地方上最要無論國家稅地方稅率多出自農人無團體以輔之積極之利莫能興即消極之弊亦莫由去如納租於各機關者近兩千元附加稅四五千元雜捐四千餘元謂誰出之非農乎近來時局不靖軍車軍草年逾數百萬誰出之非農乎出之非不是也但出之而不知所以用攤派失平而不知所辦何也無團體以爲之助也然則團體謂非重要可乎

二各區農會 一二三六區各皆報縣存案然與縣農會不相聯絡並且皆無的款亦同虛設

六區林業公會其地點在五侯村爲保護龍門口五侯間沿河栽植樹木而設

田各莊森林會其地點在田各莊爲保護大石河沿岸樹株

三青苗會 此等團體在習慣上相沿已久村皆有之純爲保護田禾守望相助而設其會長曰首事無定員以紳富充之不用票選實爲民意機關自有村長佐之名由官委任名目雖隆奔走公署承辦差徭儼同胥吏

四連莊會 此等機關起止無常每遇地方不靖官督民辦以防土匪純爲消極作用農民正業 其類有三一田業二園業三林業

一田業 田不能一致房山之田約分四等純在山中者皆曰高田山外地稍平坦而可以牛馬耕者土雖乾燥皆曰平田地近河流而多濕潤者皆曰窪田凡可以水灌溉無論種稻種麥皆曰水田

甲高田 聖水自新開口以上瀑水自東流水以上西沙河自塔窪以上壩河自山口以上韓村河自黃院黃山店孤山口以上拒馬河自片上村以上皆高田也凡九十餘村此等村莊率多瘠土純指耕種不易生活或種果木或養牲畜以補助其田以穀粟爲大宗

乙平田 聖水流域三十餘村

東西兩沙河壩兒河統名聖水流域

韓村流域二十餘村順雅二河流域三十

餘村合甘河灌河二流域共九十餘村田不皆平間有坡地然皆土質可耕故皆曰平地產五穀外落花生白薯棉花脂麻等最宜

丙窪田 其地皆沿聖水韓村河雅河下游凡二十餘村產麥玉薯高粱等

丁水田 甘河灌河拒馬其下游皆有水灌之地即其上游各村亦有一部可澆者統名曰水田凡二十餘村其產以稻麥爲多

按房山經流之河惟拒馬灌甘三水有灌溉之利雖地勢使然要亦人事修也蓋水之爲物順而導之可東可西激而行之可在山能修治之則資灌溉運水磨利溥

吾民不治則決隄防傷禾稼害同猛獸太史公曰甚哉水之為利害也其言可深長思也房山近城及東北諸河春夏率多乾涸似無水利可言惟其乾也水利之興乃尤急如周口店羊頭岡孔水小樓皆能以水溉園矣若瀑水英水嘴把水獨不能乎如拒馬全年有水可灌麥矣若聖水秋初夏末有水獨不能澆菜蔬種秋麥乎吾房之水類此者尙或有之是在謀生活者破除成見而加之意也

房山縣農地形分類表

塔窪	南觀	羊耳峪	東流水	高田
北車營	新開口	石梯鎮	東水峪	高田
羊頭岡	<small>前</small> 朱莊	丁家窪	饒樂府	平田
瓦窯頭	于莊	田各莊	瓜市	平田
瓜地	夏村	下坡店	蘇村	窪田
長溝	大和莊	沿村	甘池	水田

響 開 漫水河口 頭 安 莊 府定新莊 三 良 莊

迎峯坡 磁家務 馬各莊 白草窪 西 墳 下 莊

良各莊 半壁店 開古莊 北 市 小 營 高 莊

山 口 黃土坡 大董村 缸 窰 坨 頭 下 營

堅水灣 南車營 吳家莊 西 壩 顧 册 崖 上

長溝峪 乾 河 焦家莊 周 口 村 二 站 獨 樹

黃 院 河 東 北 坊 雲峯寺 石 樓 紙 房

龍寶峪 東莊子 沙 窩 牛口峪 吉 羊 半 壁 店

長流水 滑石片 公主墳 官 地 雙柳樹 南 鄭

葫蘆棚 泥 窪 莊 戶 周 口 店 梨園店 雙 磨

下寺 檀木港 苑上 韓其 蘆村 廣潤莊

黃山店 李各莊 岡上 新莊 李莊 惠南莊

孤山口 河 北 馬家溝 新街 白莊 南上洛

上中院 河 南 倪家溝 南韓其 羊戶屯 南白岱

聖水峪 新莊 它里 樓子水 西東 鎮江營

三流水 橫流水 北南上萬 瓦井 韓村河 下灘

關上 杏園 土洞 周各莊 南章 蔡莊

大峪溝 晒石台 焦莊 天開 五侯 王家磨

片上 他兒 仙坨 岳各莊 尤家墳 鄭家磨

乾河口兒 南洛平 次洛墳莊 史各莊

六渡	陳台	北洛平	支樓	北鄭	西白岱
八渡	班各莊	南次位	楊駙馬莊	南公村	張坊
十渡	佛子莊	北次位	驤駙馬莊	北公村	南河
王老堡	三英水	長樂寺	東營	新莊戶	
馬安	西安	東石府	西營	王莊	
西莊	馬義槽	西石府	趙各莊	東王佐	
平峪	紅煤廠	小幼營	七賢	西王佐	
曹八岡	北窖村	羊圈頭	潘莊	佃起	
交界口	南窖村	后府營	崇義	水牛房	
鎮廠	三安子	西莊店	曹莊	南岡窪	

蘆子水 西水峪 小店 鄭莊

東村 大安山 大灰廠 龍門口

蒲窪 長操 沙鍋村 二龍岡

豹兒水 石堡 下莊 皇后台

塘上 上石堡 侯家峪 六甲房

大地港 霞嶺 翟莊 黃井

台港 口子澗 瓦窰 北白岱

龍門台 王家台 大富莊 陳家窪

四馬台 石板台 栗園 石窩

魚骨寺 莊戶台 魏各莊 新莊

九	渡	查	兒	張	莊	北	上	洛
黑	牛	水	羅	家	峪	劉	太	莊
塔	照	村	顧	莊	小	次	洛	顧
雲	岡	三	坐	菴	雲	岡	小	次
雲	岡	小	次	洛	顧	莊		

二園業 民國三四年據農商部調查報告書房山園地三萬三千百一十一畝確否姑不論大抵園有三要點一近水易澆二近糞易肥三近市易售三者有一即可為園房地雖高而間有山泉牧畜多而糞易取近鑛區而貨易售故園業之發展不減涿良若能多穿井廣購機如水車等類增開園圃利當十倍俗云一畝園十畝田是亦生活發達之一途也

甲園之地點

- 西關 附大小弘寺 夏村 附田家園子梨園店 羊頭岡 周口店
- 南關 附南天邊蕭家莊 蘇村 漫水河 長溝鎮
- 北關 附西北關 辛莊 磁家務 半壁店

東關 附東岳廟

顧册

東莊子

張坊鎮

乙園之產物

一淡巴菘此種本爲奢侈品對於人害多而利少然以經濟論業圃者所宜急講也房山長溝以西諸村業此者最多而品質亦好近縣諸村以羊頭岡爲上蘇村夏村次之每畝產出由數十斤可至百斤折洋每畝所得二十元上下

二白菜此菜爲羣蔬中之上品無論貧富皆嗜之房山種此最多而銷亦最廣西北山中百餘村皆購于房僅房山出產尙不足用歉收之年必須取給于旁郡每畝所產荒 初收帶粗葉者俗曰荒菜 約七八千斤折洋每畝不下一三十元

三蕪菜此菜春日食之最美亦普通食品也業圃者種此最獲厚利其優點有二一不必常種一年種好可三四十年不種二每年可收割四次乃至六次每畝可產出三千斤折洋可得三四十元

四倭瓜無論園田農田皆種之惟園田出產較多每畝可出出三四千斤可得洋至二

十餘元

以上四種皆可多種房山亦以此為出產大宗如農商部調查無誤即每畝以四十元計之則三萬三千餘畝可得一百二十餘萬元其數亦云鉅矣

三林業 林業大別有二一曰公有林如環城榆樹公署洋槐尹任所栽者京兆農會在東北兩關田各莊大石河兩岸與民分種者及第六區林業公會所植者皆是二曰私有林如民自地自栽者是房山林業公有者無多總數不能過十頃而私有雖無精密調查若材木林果林風景林三者約計當百頃而有餘也

甲材木林 村村皆有之而成桁栽植者不過十數村之多列表於次

地點	種類	用途	面積	積說	明
四關廂	楊柳	密樁木	約十頃	此表所記	
田各莊	榆柳	樁木房料	約十五頃	率皆以意	
夏村	榆柳	樁木房料	約十頃	為之不過	

蘇村 榆柳 全上 五頃 舉其大概

瓜市 榆柳 全上 兩頃 舛錯掛漏

馬各莊 榆柳 全上 一頃 自不能免

羊頭岡 榆 全上 數十畝

饒樂府 楊柳 全上 數十畝

定辛莊 榆柳 全上 數十畝

瓜地 榆楊 全上 數十畝

小營 榆柳 全上 數十畝

吉羊 榆柳 樁木房料 一頃

尤家墳 榆柳 樁木房料 一頃

按此等林地大抵在河岸或沙積不耕之土每畝可得產額平均每年不過五元較種五穀得數似少然栽植一次可以數十年不下工資是所得乃純利也以最劣之地

而利不爲少且能衛生禦風禦水養地省工利何如之

乙果木林 西山地勢偏坡無數畝平坦地耕非所宜間或栽木材亦生長遲而難成

大木惟果木年年獲利經久不渝因地制宜古人之言不能易也

柿林最多村 雜果最多村 紅果最多村 棗樹最多村

黃土坡 北車營 鎮江營 瓦井

磁家務長 操 蔡家莊 周各莊

半壁店 石堡 下灘 天開

東莊子 霞嶺 王家磨 羅家峪

檀木港 塘上 南白岱 石窩 辛莊

李各莊 莊戶台 廣潤莊 北尙樂

河南北 司馬台 惠南莊 廣祿莊

河南 龍門台 南河 塔照村

陳家台 東流水 南 鄭 皇后台

斑各莊 南 觀 小白岱 甘池

北南 上萬 孤山口 龍門口

小幼營 大峪溝 二龍崗

羊圈頭 歇息崗

後甫營 黃院

以上所列不必皆確大致不甚相遠其產額以柿為大宗而紅果次之棗又次之至于雜果以杏梨最多若夫介乎材果之間如賈島峪小樓等村之橡亦收益之一大宗也

丙風景林 房地關於此項者有四一街衢道路二房院園囿三名山古刹四王公墳墓

街衢道路 公署洋槐夾道圍城榆樹

凡人家門前植槐榆楊柳等樹初無生利觀念不過爲門鋪清陰出入怡情故有大至數圍而不忍伐者道路植樹亦同此意

房院園圃院之當中或園之四圍率多栽種佳樹作爲賞玩乘涼之地苟無妨害人

多未肯輕伐如

鐵瓦殿銀杏城隍廟唐槐北莊村古柏仙台之古柏雖屬一鱗片爪要亦林類也

名山寺觀此等地點爲僧道棲真之所洞天福地公共具保存之心翠柏蒼松一邑

擅名山之勝吾房所在多有非他縣所能比也列其地如下

一上方山

萬壑搖青羣峯點碧到處涼陰幾忘炎夏

二雲居寺

古楊繞岸老柏遮山周幾十里青蒼一色遙望如綠錦織成者

三火焰山

四金山院

王公陵墓凡此等地點大概皆山勢雄奇具天地自然之氣一經植樹則松柏陰地

楊柳搖風亦具游觀之勝列舉于下

一金帝陵

二莊王陵

三敬謹親王陵

四順承王陵

按風景林於農業上毫無關係然其關於衛生則有大益于吾人焉生理家之言曰吾人吸收養氣而吐炭氣樹木吸收炭氣而吐養氣人與木互相交換而後生活上兩得其宜凡城鎮人多而樹少養氣少而炭氣多故人病多而壽促林居人稀而樹密養氣多而炭氣少故人病少而壽長據言法蘭西每年平均二十九人死一人今街巷多栽樹木每年平均三十四人死一人又按吾農人與北京人比較鄉人享壽者極多而京師人則莫能及由是言之樹之關於吾人者既巨况人之強健又爲生利源哉

農民副業

凡補助正業所不足時間空間又與正業無妨者皆爲副業

一牧畜 房山地多荒曠收放最宜地近鑛山運輸最要故詳記其下

甲運輸 周它兩站運出灰煤石料太平時不下四萬車每車運費在六十元上下年計二百四十餘萬除高綫及外境牲畜運輸外本縣當不下五六十萬元之巨較之農田產額已超過四之一得利誠非少數其四鄉散運尙不計也

乙食料 食爲養生之本亦爲生利之源雖殺生不仁然祠廟燕享所不廢除犬馬牛騾外豬羊雞爲人生之常用品雖鵝鴨與雞相類以其非土產不錄

子豬 凡農家皆畜之不但供食獲利並可糞田也其畜之多寡常以人口之多寡爲正比例廢餘之漿水多故可多畜否則反是或以地之多寡爲正比例其糲糶多少不同也或以人工之增減爲正比例用一人飼牧可畜數十頭若用二人飼牧則可畜百頭也此外如糖房粉房豆絲房豆腐房等專指養豬獲利者更無論矣其獲利不等大概以每頭言少養者每豬獲利十數元多養者減半以其買養料僱人工消費巨也然以總合言之養多者則獲利終多也

廣州陳梅坡有收猪法一書言畜牧與農業相輔而行其利最厚而收猪爲尤要蓋猪之生殖最速一產以十數牛羊皆不能及且喂法極簡而糞田之功又極大又其書言飼牧孕產圈豢乳育閹騙諸法皆備業農者不可不知

丑羊 房境西北山後地曠人稀溝港荒山利于牧畜故養羊者最多其羊有二種一曰綿羊毛曲細而軟多白毛最宜爲裘肉味亦純二曰羶羊以其味羶也又曰山羊以其足捷善登也其毛直硬多黑色爲裘不暖可作褥肉味多羶本境產極多而綿羊次之此種產物惟山地最宜平原畜之多傷禾稼是山農之一大利源也

寅雞 雞肉味極美產卵亦多每雞一年可產百餘枚且爲人人所喜食其用途最廣農家多畜之場邊食粟草際尋蟲可以無須常常喂也養五十隻者可獲利五十元其畜之多寡亦以農田爲比例差近亦有專門喂養雞者發展者甚少

丙耕作 耕則起土熟則納稼如人力爲之費力多而成功少代之以牛馬則力增十倍農家所畜其類有四牛馬之外有騾有驢三頭謂之一具一具之力耕田一頃俗

曰具牛頃地是也富家不耕亦有畜騾馬者則爲消費品矣

二蠶桑 江浙宜桑甲于全國而北方對此幾同風馬牛不相及而考之歷史則有大不然者淮南子蠶經曰黃帝西陵氏始蠶夫黃帝建都涿鹿涿鹿今保安縣吾房與保爲鄰則本地之宜蠶也可知史記貨殖傳曰燕趙田畜而事蠶吾房爲燕近郊則本地之宜蠶也又可知桑土旣蠶禹貢記于兗州集于苞桑國風採于唐地兗州今河間地唐今保定道吾房雖在其北要亦距離不遠則本地之間接宜蠶也又可知按以上諸說則北方之宜蠶也以視江浙何堪多讓三代後吾地淪于北狄習慣遂染于胡數千年文明祖國不能恢復前聖之光榮甚可惜也現吾房養蠶者少豈謂宜于古不宜于今乎吾先論宜于今者有四一四十日即可完全收利其時暫二三四月正當無事之時其時間三婦孺皆能不耗男子生產力四每畝桑田獲利四十元可增一家之生活力有此四優點吾父老何樂而不爲

三造釀

甲麴 蒸麥置暖室中微則搗之城塊晒乾以造酒

乙酒 其種類造法甚多通常以穀類和麴釀之因其所含糖質由化學作用發酵味變而成飲之使人興奮故人多好之惟過飲使人精神衰弱肝經變硬爲害甚大

丙醋 有酸味之液以酒發酵釀成者也

丁油 麻或豆類炒黃磨研入器中取之

戊醬 麥豆米作成餅餌俟其霉然後碾作麵和以水並鹽置缸中晒之夏日者佳

己醬油 大豆三斗水煮爛用麵二十四斤拌勻俟其霉色黃每十斤用鹽八斤攪晒夏令七十日冬冬令百日然後取汁卽成

庚豆腐 水浸黃豆磨成汁羅淋去渣煎成以鹽鹵就釜收之又有以石膏收者相傳爲漢淮南王安創始

辛豆豉 用黑大豆水浸蒸熟覆以藁令發黴以水入甕中泥封晒之久而始成鹹者造法同惟入甕前加鹽耳

辛團粉 綠豆用水浸欲出芽時磨成汁以羅漉之和以漿澱成粗粉其浮汁取爲豆醬二層濃汁取爲麻豆腐其沉澱之粉以水攪之再過細羅入盆中再澱之將清水取淨即成團粉取水之法或以布淋或圍以布用灰浸乾

壬粉條 以團粉破成塊如掌大入矮缸中空以礮熏透碾成末另以淨團打糊將末和糊中再以穿成孔之瓢漏開水鍋中一人用篲挑入涼水中一人自涼水撈出成把用棍穿之入缸再以豆漿漿好亮透再漿上繩曬乾即成又凍條作法當屋中亮透時入冷洞中令漿皮上高架凍透以棍擊去其冰使條散以熱漿化之上繩曬乾
癸餈糖 黃米蒸熟成粥和生芽之芒大麥入缸再蒸用器漉之出汁如米漿用水熬濃即成

鑛業

吾縣鑛業以十數而以煤業爲大宗吾縣煤區以十數而以長溝峪爲中心點且貨於山售之境外雖利用在他縣而厚生純在吾房以視外貨居奇攬吾利於境中者

當不可同日語矣故叙列先煤灰石次之餘若磁鐵等鑛或已採或探探又次之或出自傳聞未經試驗者亦附及焉

房山縣全縣鑛業簡明表

煤

灰

白石

花岡石

青石與石板

滑石

鑛業

碾磨石

磁土

銀

鐵 鉛 玻璃 顏料 石棉

房山全境已領礦照一覽表

鑛商姓名	籍貫	地點	鑛區名稱	鑛區畝數	開採年月
吳叔明	山西 谷縣太	北窖村	密業公司	五三六畝	民國二年
常振興	房山縣	長溝峪	會興鑛	三三零六方尺 三丈零六方尺	民國二年
姚真	江蘇 <small>無錫</small>	宛車廠 房長溝峪村	大豐鑛	三五四一畝	民國四年
車策	房山縣	長溝峪	四聚鑛	三四五畝五零方丈	民國五年

常振興

房山縣

車廠至西庄

漏子礦

三三九畝

民國五年

王 樾

住天津北京

大安山

雞冠岩礦

六五六畝三分四厘

民國六年

孔慶叡

四川華陽

李各庄前山

偉業鑛

一七三九畝

民國七年

余傑臣

房山縣

三安子

三安鑛

三五四四畝

民國八年

余傑臣

房山縣

三安子

漏子鑛

一三六五畝八分七厘

民國八年

劉之杰

房山縣

西庄村

九十五畝

民國八年

蕭光甲

房山縣

清水港

清水港鑛

六九三畝五分四方丈二六方尺

民國九年

李 桐

房山縣

長溝峪

連三頂

八方丈四畝一方尺

民國九年

常夢庚

房山縣

長溝峪

大石塘鑛

六五畝四分一方丈五零尺

民國九年

劉源浚

宛平縣

羊耳峪

和興鑛

七三六畝七分

民國九年

吳仲明

江蘇陰山

北跳密嘴密溝村

未詳

四五八畝三分

民國九年

吳仲明

江蘇

北廟密耳密溝村

未詳

四六六畝五分

民國九年

黃卓夫

湖南鄉

大安山市上溝

四八六九畝

民國九年

周延齡

浙江

大安山雞冠岩

五二七五畝

民國九年

黃樾北

浙江縣

大安山雞冠岩

五一九二畝

民國九年

蕭元英

房山縣

長溝峪同聚礦

六三七畝七分二方丈二三方尺

民國十年

孫鴻猷

四川長壽

羊溪寺羊溪山鑛

三四五畝五分四厘

民國十年

孟慶善

未詳

高家坡壘老大園子

未詳

三五七畝

民國十年

任濟安

現住京北

安子村車大鑛

三四九二畝九分一方丈七五方尺

民國十一年

夏俊臣

武清縣

長溝峪寶興鑛

五十六畝

民國十一年十一月十一日

楊玉璞

房山縣

清水港

未詳

二八四畝零一方丈

民國十二年

孟伯涵

深澤縣

大灰廠西
花椒樹溝

未詳

六八四畝四分二厘三毫

民國十二年

周慶襄

房山縣

大安山煤窰

市上溝

四六五零畝

民國十二年

鄔繼堦

未詳

大安山北大
成根東溝

未詳

四四五零畝

民國十二年

鄔繼堦

未詳

大安山

北茶棚嶺

四七七零畝

民國十二年

常効勤

房山縣

長溝峪

坡港鑛

四八八畝五分

民國十三年

梁雲鴻

房山縣

賈島峪

未詳

三四七畝

民國十三年

程文魁

房山縣

橫流水

未詳

二八二畝八分

民國十三年

常久安

房山縣

金山院

未詳

六一畝八分五
方丈四八方尺

民國十四年

張振芳

房山縣

羊耳峪

泥皮峪

二百七十畝

民國十四年五月

常進 房山縣 周口店 下問學窪 五畝

楊博青 涿縣 羊耳峪 西峪溝 五畝

梁雲鶴 房山縣 長溝峪 西溝 一畝

房山縣西北煤窯舊日名稱表

長溝峪

大桶窯 下河溝 磨兒窯 邢家窯 南坡窯 炕洞

大石塘 李子樹 大李家 邢家墳 南港窯 東興

東水泉 北水泉 二李家 華巖菴 中炕兒 泰和

上煤峪 槐樹院 三李家 蘆家窯 下坑兒 批縫

下煤峪 楊樹窯 南地兒 蕭家窯 核桃樹 華興

槐樹窰 老窰溝 西水泉 橫流水 小東坡 花港

馬家院 大道灣 西岩根 劉胡子 魏家廠 大成

柿子樹 大石根 東岩根 東煤坑 西天宮

葫蘆棚下寺一帶

康家溝 王作窰 豬窩窰 漏子窰 大杏樹 小桃樹窰

灣子窰 和盛窰 大興窰 道兒窰 三慶窰 東岩根窰

大鶯窩 四合窰 小鶯窩 倭瓜窰 銀子峪 魚子槽窰

羊耳峪

大興窰 天和窰 俊興窰 大石根 寶聚窰 奉先煤鑛

福生窰 順興窰 保福窰 寶源窰 清和窰 小東溝窰

復合窑 普興窑 普盛窑

周口店黃院

天成窑 鴻興窑 長興窑 和義窑 永興窑 天最久窑

三安子前後山

義興窑 義順窑 得福窑 水泉窑 井兒窑 窑業公司

馮家窑 小塔窑 香子窑 灣子窑 東魚槽 後窪子窑

老子窑 太興窑 大洞窑 大觀窑 上老東 蘋果樹窑

大石根 東坡子 大漏子 紅煤槽 雙柳樹 大趙家窑

大安山 名數未詳

大灰廠 名數未詳

塘兒上	名數未詳				
豹兒水	名數未詳				
蘆子水	名數未詳				

煤鑛

煤之歷史 房山煤業發軔于遼金以前濫觴于元明以後權稅于前清中業考木岩

寺碑記創自天監二年重葺于天慶元年遼天祚帝年號其碑有取煤于穴之文是遼之前煤

鑛已經發現矣又考畿輔通志權稅篇乾隆二十九年宛平有煤窰一坐房山有煤

窰九坐是房之煤業在當日較宛平繁盛始行納稅矣後有窰商常某知長溝峪之

地質其岩石皆係斜層西高東下俗曰煤槽南托北合其水必由東洩也於是察地形之便利由

車廠村西開山通穴以洩長溝峪諸窰之水其地俗名嘴把子而窰業由此益盛今日之長溝

峪蒙利已及百年善人利賴百年信哉現窰道已深將在嘴把子水平線下以窰爲

業者其何以繼前功而使不墜乎

鑛區 煤之區域在大房山南北麓皆有之山南之區有七一長溝峪二西莊與車廠三葫蘆棚與下寺四長流水五黃院六周口店七羊耳峪山北之區有七一南北窖二二安子三英水溝四杏圓溝五車營與萬佛堂六煤嶺七大安山山後有三一塘上二豹兒水三蘆子水

鑛質 粗分之曰硬煤軟煤硬煤又分爲十三槽長溝峪僅七槽一麻葉或曰螞蟻槽二三

合槽三黑煤大槽四腰石大槽五爆煤大槽六紅煤槽七封口大槽其中隔以石層作斜形狀即前所謂南托北合者是煤槽寬窄不等寬者十數丈窄則數尺至數寸甚至無煤曰斷層俗曰夾子若山北安子至車營一帶其槽傳有十三一三合二子兒三黑煤大槽四黑煤小槽五腰石大槽六腰石小槽七犁兒光八爆煤大槽九臭煤槽十紅煤槽十一封口大槽十二封口小槽十三二絃周口店與煤嶺各地與石灰山近者大概皆軟煤俗曰青煤其質雜青灰烟多而火力小

鑛業權 由習慣言之一曰山主即原有地主未投資于鑛業僅有收租權利者也二曰工本即由山主許可投資本與勞力而取得鑛權任其開採與轉移者也三曰私查即由工本許可而開採定有年限者也自鑛業條例頒布後鑛大者依鑛業條例呈請開採小者依暫行條例以得鑛權

鑛之開採 開採之法全境殆皆幼稚且不經濟然亦因鑛區過小槽道傾斜不齊非用土法不可亦有囿於習慣而不知改良者其用人也有界裏界外之分界外有帳房有掌作一司銀錢一司庶物界裏有大夥計總司鑛洞之事有斧子手專司以木支山有拉頭用荊筐拉煤於外有水工用柳斗以掏窰內之水洩於最低之鄰窰層層遞洩皆由嘴把子流出近日窰道深嘴把子漸有壅滯之虞有李琴舫者購機抽水較人力爲便倘衆皆倣效亦補救之一途也

煤之產額 吾房無確實調查不過就見聞所及粗言其概長溝峪冬季最多時每日約出八百噸平均每年產額當在十二萬噸上下

採九年農商部
西山地質誌

每噸末煤售價一元五

角塊煤每噸三元合計得利在三十萬元上下周口店長流水葫蘆棚下寺黃院西莊車廠羊耳峪等處所產當亦不下十二萬噸若南北窖三安子英水杏園南北車營等煤窖八十餘坐據農商部調查三安子附近一帶由高線運至它里全年當得二十萬噸由長溝峪至周口店約五萬噸英水杏園一帶由高線枝頭福字號運至坨里約五萬噸餘皆駝運亦不下八萬噸每噸一元二角總計以上長溝峪十二萬噸不計外尙不下五十七萬噸每年得洋當在五六十萬元上下其得利不爲不厚此本九年調查今日煤價增加一倍更當別論矣

煤之運輸 除駝戶不計外其最重要機關有三一坨里高線初由津商王賢賓等私人合股組合此役一興吾房阻路之風起北區紳商恐不敵也計合全縣以抗之王賢賓氣沮與北紳議和南紳憤其不同謀也訟之王商用其圓滑手段復接洽南紳南紳喜不但不爭且並周長路權而亦許之雙方在官廳立案由是路權全歸外人矣二周車輕便路此路亦由私人所組合由周口店至車廠意欲越東嶺收三安子

之煤在車廠穿井曰大豐煤鑛聲言自採自運不妨高線路權高線知有妨線路也畏其有要人而無如何今並欲開山作洞直達三安子其工如成于吾房交通史上開一新紀元矣三周長高線線商雖占有路權並不欲實行修路見周車便路一修不得已而強修之故工料全不及北線路之堅今已數年不能獲利

煤之銷路 銷售以北京爲大宗約在百分之六十銷于天津者次之銷于保定者又次之初京漢鐵路一修周口店枝路同時並築故北京所用之煤由房輸入者率居多數其後門頭支路成房之煤銷路減保晉公司井陘煤鑛臨城煤鑛紛紛輸入而房之煤銷路又減今門齋路又告成矣有心鑛業者將何以善其後

周口店灰鑛表

吉	興	義	興	裕	興	同	義	鴻	慶	久	豐	同	慶	復	合	密
義	成	義	合	天	合	全	興	四	合	鴻	順	永	順			

大灰廠灰鑛表

六合 南坡根 南樓 中大作 北大門 牛港頂窰

兔兒溝 窩棚窰 三合 南大作 北灰窰 小南坡根

大黑墻 大紅墻 大江子 小紅窰 小東坡 大耳朶眼

三江子 石門口 蔡家溝 老岩港 小新作 小耳朶眼

水道溝 坑兒窰

灰鑛

鑛區 西南自韓其周口店中隔山口沙峪等村花崗岩無灰至南觀萬佛堂北車營上萬羊圈頭后府營

大灰廠沿山皆產之

鑛質 有青白二種青者類青煤出自天然不須製造白者本石質必加火煨而後成

性黏細而色純白

產額 據西山地質誌民國四年產一二六一零三噸五年產一二五五九三噸六年產一三四五零一噸七年產九五九六零噸八年產四八七五八噸鄉間所用當有

百分之十按上數屢年遞減由宛平之灰峪龍泉窪產出日多而受影響也

工價 周口店灰窰二十坐上下不等工人約須七八百名冬季每人工價三四十枚
夏季倍之萬佛堂大灰廠大致相同

灰價 每千斤自一元至兩元不等平均在一元四五角間合計全境當不下二十三
萬元左右

銷路 北京天津保定凡有大建築需用最爲要品卽鄉間修建用亦不少白者固磚
石青者染色均爲要品

白石鑛

鑛區 石門石窩石窩新莊崖上六間房北尙樂鎮江營一帶皆產之

鑛質 俗傳有十三絃一旱白玉二明柳三磚渣四大六面五小六面六麻子石七大
絃八小絃九黑大石十黃大石十一青白石十二艾葉青十三螺絲轉

用途 在前清時凡有大建築如宮殿陵工皆取給于此今鐵路通行周口店運出花

岡石甚多頗受影響然立碑及必須雕刻者猶取給焉又有磨成石渣以爲洋樓建築用者

花岡石鑛

鑛區 東山口歇息岡沙峪上良各莊迎峯坡響閘塔窪一帶皆產之

鑛質與產額 其質爲火成岩每年由周口店運出者據農商部九年以前所調查民國四年產出二四一五二噸五年產出四零七八噸六年產出一八一零三噸七年產出一零九六五噸八年產出一零八三三噸

青石鑛

鑛區與鑛質用途 李各庄樓子水等皆產之其質爲水成岩可作建屋塔條之用

石板鑛

鑛區與鑛質 長溝峪龍寶峪黃土坡東庄子陳家台一帶皆產之其質爲水成岩

用途 在前清時凡修屋者用以代瓦然以脚費太重不能遠銷惟近山諸村用之今

鐵路交通凡學校所用算學畫板及日用棹面皆適用之不僅蓋屋已也因之運行日遠產出日多亦爲鑛業大宗焉

滑石鑛

鑛區 石窩東南約二里其附近爲薄層之石灰岩傾向東南斜角二十五度至四十四度有滑石五層最下層厚一四公尺最上層厚一零五尺又黃家井亦產滑石兩地均有人開採在鑛地每擔售銅元數枚

造法 半壁店崖上一帶有廠四座爲造滑石而設以水磨將粗滑石研爲細粉入缸再三漂洗使沉澱成片將欲乾時碎而爲塊成以平底之筐俟乾透裝入袋運至琉璃河轉天津

產額 粗滑石百斤可造純滑石三四十斤四廠總計可造純滑石十八九萬斤每千斤售洋五六元左右合計之可得洋千數百元之譜本地人呼曰滑石曰銀粉相傳爲造紙印花之用

碾磨石鑛

鑛區及用途 碾石東山口歇息岡皆產之磨石惟賈島峪及石門村者可用二宗銷
售不多非鑛業大宗其餘若碌磳頓子石磨磨刀石等皆細數矣

磁土鑛

鑛區 三流水之杏黃有鑛區一方里四百六十一畝二分又大弘寺南王家嶺有鑛
區七百三十二畝七分又周口店村西樓子水村東郭家鞍子附近有鑛區二百零
四畝一分四方丈十六方尺以上三區皆為商人趙潤秋呈請領照

銀鑛

鑛區 下石堡村西北黑風澗溝有鑛區六十九畝餘又下石堡村西峪子溝內之光
景山有鑛區一千四百八十八畝九分以上二區皆杜竹軒呈請領照

鐵鑛

鑛區 西域寺之雞架山張坊北之九龍溝有之周口店附近石炭紀煤系之下有褐

鐵鑛

鉛鑛

鑛區 長槽村西北約五百有方鉛鑛穀積山之靈鷲寺北亦有之

玻璃鑛

鑛區 甘池墳庄六間房一帶皆有之北京已設公司採取因事停業

顏料鑛

鑛區 東流水有鑛區一百五十六畝十分二厘經商人曹世興呈請開採現已停業

石棉鑛

鑛區 紅煤廠西北八里土人云有石棉鑛情形未詳

工業 房山實業除開鑛外多務農林牧畜工之一道向來不甚講求且檢樸成風一切器用多安質朴近年雖增藝術尙屬零星而無大宗之工廠然天然美產不一而足加以製作亦嘗馳名中外行銷遠方如學堂所用之畫板漢白玉之石器皆其最

著者也他如舊有之缸窑新出之玻璃石及磁土一待恢復一待製造皆地方所當興作者矣

木工 此項工人各大村多有之間有開設木廠者亦不過小本營生工徒數人而已每遇建屋製器修理房料僱主多臨時召集之按日給其辛金飯食亦有估計若干工歸工人包辦者此普通之木工也若其專作一種器具其工有七

一大小車 李家莊夏村瓜市等村皆有造車工匠

一鞍子 此鞍工專作駝貨之山鞍以縣北關及周口店村爲最盛其餘村鎮亦多有之

一圓籠 此工人專作蒸鍋上之籠帽籠屨及篩麵之麻絹等籬縣城北街及顧册村有之

一刻字 專刻圖章等字縣城內有之

一木筩 專攢挑水及栽花之木筩其工人在縣城內及顧册等村

一木梳 近年有外來人用棗木作成木梳行銷各處土人漸習其藝天開龍門口等村皆有之

一斧子手 專斫密柱及椽子等物地方各礦業皆有之

石工 房山石料種類頗多因材制用各有所宜大而橋梁坊表小而鏤刻器物意匠經營競稱絕技卽其粗者亦加以栽成用蔽風雨畧施修治以植房基其分工之物列舉如左

石條 此項工人約分爲三作青石條者樓子水李各莊等村有之作豆渣石條者歇息崗西山口等村有之作漢白玉石條者石窩等村有之

石板 石板工人亦分爲三開北山石板者在陳家台黃土坡東莊子李各莊等村開西山石板者在龍寶峪長溝峪耗子窩等村畫開版者在東莊子龍寶峪等村近年畫板一項有人專設公司行銷各處學校亦房山工業品之最發達者也

各種器物 其中以牌坊碑表墩礎欄杆桌檯盆爐盤盒及石人石獸加工爲之最細

其雕刻有甚精緻者其工人多出自石窩他如石筆石硯作於東庄子英水石槽石碾製於山口歇息崗石磨石碌礮出於石門賈島峪礪石則樓子水東莊子等村有之礎石則黃圓井六甲房石窩崖上等村有之頓子則各石塘皆能製作也銀粉作於半壁店崖上可製銀花紙白石渣作於石窩半壁店可製洋灰盆白點又墨玉係一種煤石能製成烟袋嘴烟壺等物近則其工頗少顏料一項從前東流水村曾設公司製造現已停工

陶工 房山缸窑久廢各處磁土甫經發明未能工作現所成者不過粗種陶器而已其類有三

瓦盆 此項陶工專燒各種盆罐及瓦盆花盆魚盆等物開各莊顧册曹章等村有之沙鍋 此陶工專燒各種沙鍋及彘爐子等物沙鍋村崇義等村有之大安山亦有之大安山係煤質較崇義村有之土質者則堅固也

磚瓦 此陶工專燒條磚方磚井磚及各種布瓦甬瓦其工作地在吉陽顧册下莊下

坡店北市五侯開各莊小營等村

編工 房山山嶺錯雜多生荊條而沿河各村亦出荻葦因材製物其工可分爲三類

篋 專編蓋房之篋俗謂之篋匠居潘家莊鄭家莊等村

席 專編粗細葦席及囫圈等物工人居沿河一帶及二站等村

荊筐 專編各種筐籠罩畚等器工人居沿村南章石樓土洞等村

瓦工 此項工人俗名瓦匠各大村鎮多有之專爲人建築墻屋僱主臨時召集之按日供給酒食及工資亦有包工者

紙工 此種工業尙待擴充現所製者不過其粗者而已麻紙東昌紙製於紙坊北正等村革紙則於潘家莊曹章等村

皮工 其工有二種在縣城西關及夏村顧册等村者則作皮套皮鞭皮線等物在縣城南街及吳家莊南上洛等村者則製熟皮及皮襖箆

繩工 北市長溝等村鎮皆有之以北市爲最盛業此者幾逾全村之半近年以此起

家者不一而足

毡工 專收各種羊毛製成黑白毡子大弘寺吉陽北上洛等村皆有此種工業

毯工 專製駝絨毯子長溝峪周口店等村皆有之

繡工 此亦專門技藝出於顧册村者爲最精前清時能繡蟒袍等服今則轎圍子棺罩片禮服外套等出品皆足耀人心目若再加擴充益求進步當可追蹤湘繡也

染工 縣城北街南街南關顧册長溝等村鎮皆有此項工業惟多染布匹仍守舊規若再加以新法更當改良出品推廣營業

織工 房山風俗耕而不桑即織布者亦罕見此其缺點也近年雖有提倡工廠者然無成本毅力不久卽半塗而廢非織業之不宜於房邑亦企業家之少耳現時所有者惟監獄候審所及南上洛等村所織各種帶子餘則尙待振興也

裱工 此工以裱字畫爲大宗亦有兼裱字帖並能搨碑者縣城及琉璃河等鎮皆有之

畫工 俗名曰畫匠城鎮及各大村多有之雖以畫爲名其實畫之精者頗少多爲人裱糊墻屋及糊死者之冥衣等物亦有開設冥衣舖者

彈工 此工以彈棉花爲業長溝大和莊田各莊下莊等村有之

香工 其工業專作敬神所燒之香出曹章長操等村及張坊一帶

煙工 專製潮煙水煙各種煙絲及雜拌等煙出小弘寺等村

灰工 專看燒灰之火候亦係專門周口店它里灰廠等村皆有之

炭工 炭工所燒有疙疸炭條炭之分以條炭爲佳其工業出羊耳峪張坊十渡等村

後山各村亦多有之

糖工 其工有二種一用洋白糖製成香蕉橘子薄荷糖及各種花糖一用大麥黃米千穗穀製成糖瓜及糖條糖棍至各處遊行之吹糖人挑子專能吹出各種物品賺小兒之錢則又技之小焉者也

金工 縣境穀積山曾出金礦從前人集資開採從事淘金工業嗣以金少虧本旋即

停工現所有者惟首飾行之金工而已

銀工 各首飾行中銀工居其多數縣城及各鎮皆有之

銅工 城鎮現有工人有專製煙袋嘴煙袋鍋等物者有製造修理銅壺銅盆等物者至集合之工場則尙待擴充

鐵工 其類有三洋鐵匠作洋鐵壺等器城鎮皆有之鑄犁鏵者居縣城西關及田各莊等村縣城西北門內各鐵爐專製各種鐵器縣南關爐房及周口店長溝峪等村爐房雖以打馬掌爲名然尋常所用鐵器多能製也至於流行各村之小鐵匠爐則山東人多非本地工業故不叙其工作

錫工 縣城南街及長溝峪等村皆有之至沿街呼喚之打錫壺工人則皆自外來者此外如補鍋修傘修秤打簾鑲牙補眼照像小爐匠等各種工人來去無常轉移無定故徙其畧而近年增出物品工業漸興以應現時之需要者尙有七種

火藥工 縣境山地居多看守果木獵取禽獸需用火藥之處頗夥顧冊村舊有槍藥

鋪近年則礦地崩山日見推廣設局製造銷路亦日形發達

果脯工 其工業立自張坊一帶有局三專收各種鮮果製成乾脯行銷京津等處

牙粉工 蘆村等處新製葡萄牌牙粉行銷北京日見發達

襪子工 縣城及顧册等村近年製出各種洋襪行銷本地歐風東漸邑人改穿洋襪者日見其多此業擴充亦能使利源不外溢

洋車工 工人居縣城南街專修理人力車及腳踏車腳踏車一項日增月益工亦加多

鐘錶工 專修理各種鐘錶縣城南街有之近時用時計者多其工甚盛

石印工 印各種文字及名片縣城西街有之社會文明日啓刷印亦繁

以上所舉畧其種類至於豆腐粉房藕粉挂麪鍋渣點心及油醬黃酒棗酒等工或屬田家之味或爲農事之餘飲食所需亦堪附及若夫成衣鞋鋪雖云手藝而普通住戶皆所優爲執御庖人雖屬專門而日用尋常無庸列舉而鉅鞋修脚接樹之匠

理髮之工尤其末焉者也

商業

嗚呼今日之世界一商戰之世界也古者通工易事本無商利之可言自龍斷興而征商起商之為世詬也久矣今者五洲大通結商約者數十國羣以是覘強富焉民族盛衰迥非昔比商學遂以大昌吾房小商耳操奇計贏僅與本縣社會爭蠅頭利烏足志雖然吾縣商會成立已十數年矣安知此中無阜國裕民之豪傑提之倡之日求進步以與東西洋經商各國相頡頏哉

房山縣城內商業表

糧行	隆福局	永泰棧	福元湧	恒泰棧	恒興號	慎思堂
萬成棧	永源長	益興永	德順永	萬利堂	瑞隆堂	義聚和
元興號	三和堂	玉昌號	謙益堂	義積德	源順成	德昌號
福潤興	德聚隆	福瑞興	忠信堂			

布行 長茂森 裕泰恒 元昌號 大昌號 德源裕

棉花行 雙合成 天順長 復聚長 趙油房 泰成居

油酒行 福慶隆 南永和 北永和 廣和興 裕生泰

藥行 恒隆泰 廣泰公 恒義隆 恒泰棧 勝記 萬盛魁

茶行 榮昌德 祥泰號

雜貨行 義合昇

鹽店 益照臨

首飾行 瑞華樓 俊華樓 義合樓 益興樓 新發樓

飯館 萬年居 王飯舖 三合居 南三合 四合居 三順館

煙行 裕順泰

鐵行 德和祥

煙袋行 天吉號 王天成

染房 長慶永 源元興

蓆行 三合成 慶昇 新豐成

嫁妝行 廣聚瑞 義聚隆

漆店 永源店

皮行 廣聚號 三義合 天佑恒

鞋行 廣生齋

估衣行 春茂齋

裱畫行 文明閣

廣貨行 增盛 富泰

糖房 三聚號

書舖 東文堂

棚舖 義興和 中興和

醫院 中興

客店 郭家店 趙家店 田家店

澡堂 鴻樂園 同泉堂

縣城每旬四集初二日北街初四日西街初七日東街初九日南街附近數十村咸赴焉其交易以糧爲大宗故商業亦以糧行爲大其收買以麥穀高粱黑豆玉薯最多近年落花生亦日進發展收買皆在大麥兩秋糧則銷於本地花生則銷於京津同光以前營業者多晉人其後晉商日落本地商日起初未有鐵路時鄰縣拉煤之車日數百輛皆帶糧米以銷於本縣西關外煤廠數家皆大商自有鐵路煤業全歸路站帶糧之車少而糧米多買自口北由路鐵運回由是周它兩站商日盛縣商稍受影響焉其次爲雜貨商皆在本地實銷商業尙稱茂盛若鹽商本包商爲專賣商業視他商性質不同行市漲落國家規定其銷售每年四千三百餘包每包四百四十一斤計一百八十九萬六千三百斤現在每斤價洋七分六釐他如布行藥行茶

行油酒煙行尙稱殷實餘皆小本營業矣

房山縣東北二鎮商業表

石梯鎮

益照臨鹽店

廣興益糧行

增益成布行

源慶隆雜貨

三合成席店

豫發祥藥行

灰廠鎮

雜糧

益恒德

亨盛德

自立成

德豐慶

大來公

中興棧

增記

世德堂藥行

元興樓首飾

增華樓首飾

石梯鎮爲河套入京孔道清同光前駝戶運輸不絕商業稱繁盛焉自坨里鐵路築成煤上火車則駝戶無站商日盛則交易少雖有集市互市者日減糧行雜貨率多歇業存者惟益照臨鹽店餘多敷衍而已

大灰廠清同光前京師建築取灰於此故商業亦繁自周坨兩站通運而灰廠之灰
審歇業他商業亦因之俱倒遠不及從前之殷富矣

房山縣西南三鎮商業表

長溝鎮

糧行

萬裕德

德源隆

德裕成

德聚成

萬隆祥

雜貨

廣潤公

德義隆

通順義

合昇號

增興局

廣興號

順興號

永盛號

永豐號

布行

義泰永

義順興

萬興號

藥行

利仁堂

永春堂

肉行

永豐號

李肉舖

飯館

合升館

志誠齋

劉飯舖

益照臨

店鹽

玉興店

行酒

高煙舖

行煙

永豐店

行席

石窩鎮

雜貨 三義成 泰和公 育生德 三裕成 義興局 巨源號

德順局 三順昌 元興德 元順號 全和成 榮陞德

布行 永合公 恒泰裕

藥行 育生堂 永安堂 郁記

益照臨鹽店 三益恒錢鋪 恒裕號雜糧 恒泰成染房

張坊鎮

雜糧 祥瑞 三義 振興 元裕 德裕和

炭廠 公和號 同瑞號 德順號 德益號

藥行 廣和慶 瑞盛永 福聚永 德慶恒

蓆行 公和永 永合昇 聚成永

布行 協利號 聚昌永

裕昌號

果舖

麗

生鞋

舖

益照臨

鹽店

長溝鎮在涿房之交涿境居三分之二房境居三分之一商業以糧行爲大宗雜貨次之其他藥行鹽店布行等亦皆殷實集分二四七九附近菜園居多凡有婚喪購鮮菜者多集此焉

石窩鎮本山僻之區地產漢白玉石明清兩代凡宮殿陵寢有建築者皆取石於此因之遂成市鎮民國改建無此鉅工所售不過碑石階條而已每至集期尙稱繁盛平時不異鄉村

張坊鎮當拒馬河出山之口南通涑易北達三坡其交易除食糧外以木炭香料果品爲大宗故其地糧行炭行果品如紅果柿子及水磨等皆爲此鎮最茂生意

周坨車站商業表

周口店煤行

九興公

復亨

四合隆

天昌順

元成永

德益

成興順 公記 華盛興 東興公 三義棧 泰昌棧

西天祐 誠泰興 大成公 集誠信 永豐廠 萬隆棧

西天興 同興德 德豐恒 天利 復瑞成 西廣隆

忠信廠 裕和永 葆隆棧 復和瑞 聚興隆 聚瑞恒

恒盛廠 東復興 天瑞成 三合永 寶順興 福隆

德豐祥 同義成 東裕成 鴻豐 永豐德 德順

誠意和 恒祥永 裕興棧 會德誠 天興 玉興

雜貨 盛記 聚和成 道生慶 遵福興 隆盛 四順德

恒泰長 元泰昌 乾泰昌 三義成 義巨昌 廣元成 裕興

成行 元興成店 同生成行

坨里煤行

泰昌棧 大成公 成興順 大德通 同恒泰 德隆盛

雜貨	瑞全成	德成祥	餘慶棧	萬聚店
			<small>行</small>	<small>布</small>
寶裕成	和記	萬益公	天利棧	四合順
益聚成	誠意信	元興恒	長盛棧	公合盛
天德隆	源茂恒	裕德成	道生源	全興廠
				天合順
				廣元厚

周口店爲長溝峪及柴廠運煤出山之口鐵路未修以前不過小本營業而已今車站兩旁商業林立從前運往琉璃河上船之貨今皆由鐵路運行矣近來商業競爭資本家多注意於此今舉其最大之設施有二

一高線路自周口店修至長溝峪包運各鑛之煤由北高線各股東集資修造工程師日本人修造不甚得法屢經損壞且運路太近運費不多生意上未能獲利

二周車輕便鐵路由周口店修至車廠村轉運自開大豐煤鑛之煤後因鑛開採不盛兼時局有關遂至無形停止近復增添資本開山鑿洞運三安子之煤今因時局又復停止

比里舊無商業自鐵路成而商業遂與周口店同津商王竹林等創修高線自達清水港三安子一帶而後山之煤遂分銷日盛

房山西北鑛區商業表

南窖

雜貨 同順昌 雙義成 茂德源 德源祥 恒義祥 萬聚永

本立生 福泰長 義和成 同興德 德聚公 德善堂 義興

公 慶長永 廣聚永 同裕永 鹽店

長溝峪

雜貨 天義棧 公德祥 義順永 義興成 永全和 天義成

布行 曹布舖 周布舖 侯布局 富德元店

南窖素為產煤之地因地隔大山運輸太遠產出遂不如長溝峪之盛自高線成銷煤日多他商業遂因之而日盛將來大豐公司山洞如能穿透則進步更不可限量

矣
 長溝峪距城二十餘里所出煤質亦良故發達較山後爲優自周口店鐵路成而銷
 益夥矣而他商似不及南窖之盛因與周口店房山城較近大交易皆不在本地故
 也

房山全境商業各行比較表

行 地 別	行 別									
	本城	石窩	長溝	張坊	石梯	灰廠	周口店	坨里	長溝峪	南窖
鹽行	一	一	一	一	一				一	一
糧行	三〇	一	六	一	一	七	一	一	六	
雜貨	一三	一二	八	四	一		一二	二	八	一六
藥行	六	三	二		二	一	一			
飯館	六		三							

果腐														
炭行					四									
煤行		一					四七	二四						
澡堂		二												

近世海通以來各國以商致富者踵相接論者謂非商戰不足立國我國於是效法歐西國立商部市立商會日以商務競爭勗國人其用心是也竊以競爭有二義焉一曰外競一曰內競何謂外競以己國出產製造物品輸之於外而易他國之財以爲己利者也此爲外競由斯道也國可富亦可強內競不然以本國之貨易本境之財譬如取父兄之金猶放債於父兄而收其息此不過由東倒西物品變其位置此六彼四合之猶是一十謂此富國稍知學術者必不信也况以他國之貨易本國之財乎上表所列最發達者曰糧行雜貨曰紙煙曰廣貨有販之本境者有購自外洋

者爲外競商乎爲內競商乎循是以行則商愈盛國愈貧矣以是求富猶南轅而北
轍緣木而求魚也然則談商戰者其思焉否耶

